

象邑歐氏宗譜

第拾壹本

世名

譜命

世德

內編

外編

世藻

內編

外編

象山西鄉歐氏宗譜

戊集目錄

世名 有引

誥命

世德 有引

內編

外編 增賢媛列傳

世藻 有引

內編

外編



象山西鄉歐氏宗譜



目錄

公元貳零捌年

象山西鄉歐氏宗譜

世名引

原譜云世綸者所以載累朝之誥命藏之祖廟傳之子孫者也迺自國體變更褒揚事例改用令狀一切綸綍誥敕字樣概從刪除所以成民治之憲法通於議會定於政府而頒於行省者也譜修於民國設仍世綸之稱微特揆諸國體不相符合其何以昭示來茲按前清綸音實爲顯揚名譽之一種戴記曰必得其名名統祿位與壽而言漢耿勲碑曰世有令名忠孝節義皆令名也象山歐氏世爲邑中名家其廣義田以裕薪資建學校以宏教育將來人材輩出安知不躋顯宦晉勲位盛名鼎乚爲祖若宗顯揚者

乎茲用耿碑語改稱世名所有清廷誥命登錄於前仍列
綸音子目以存往制嗣後無論褒詞獎狀以及公府特贈
慶卹之文儘可分類排編增光家乘俾世乚子孫循是以
興立名之思而不徒侈談顧陸誇美朱張吾知歐氏之名
有隆乚日起而靡間焉矣

清宣宗成皇帝誥封歐承天誥命一軸

奉

天承運

皇帝制曰求治在親民之吏端重循良教忠勵資敬之忱聿
隆褒獎爾歐承天迺知府銜加一級歐孔章之父提躬淳
厚垂訓端嚴業可開先式穀乃宣猷之本澤堪啓後貽謀
裕作牧之方茲以覃恩封爾爲中憲大夫錫之誥命於戲
克承清白之風嘉茲報政用慰顯揚之志畀以殊榮

制曰朝廷重民社之司功推循吏臣子凜冰淵之操教本慈
幃爾吳氏迺知府銜加一級歐孔章之母淑慎其儀柔嘉
維則宣訓詞於朝夕不忘育子之勤集慶澤於門閭式被

自天之寵茲以覃恩贈爾爲恭人於戲仰酬顧復之恩勉
思撫字載煥絲綸之色允賁幽潛

誥命

道光二十六年九月初五日

之寶

清宣宗成皇帝誥授歐孔章本身妻室誥命一軸

奉

天承運

皇帝制曰政先領郡虎符寄千里之權職重專城熊軾表萬
民之牧爾知府銜加一級歐孔章才猷卓犖資性寬和易
俗移風廣德心而登治理飭躬率屬謹亮節以樹風聲鉅
典式逢鴻章宜錫茲以覃恩授爾爲中憲大夫錫之誥命
於戲登御屏而紀績允勵素絲沛綸誥以推恩式榮華袞
制曰良臣宣力於外效厥勤勞賢媛襄職於中膺茲寵錫爾
知府銜加一級歐孔章之妻周氏終溫且惠既靜而專綦
縞從夫克贊素絲之節頻繁主饋爰流彤管之輝茲以覃

恩贈爾爲恭人於戲敬爾有宮著和雍而并美職思其內
垂淑慎之遺徽

制曰在公必敬臣心每待助於閨闈齊體維均國典疏榮於
繼續爾知府銜加一級歐孔章之繼妻王氏以順爲正無
成有終柔嘉克踵乎前徽珩璜流譽慶澤用昭其嗣美翟
裨增光茲以覃恩贈爾爲恭人於戲如綸如緯勿忘象服
之榮宜室宜家允副鸞書之錫

誥命

道光二十六年九月初五日

之寶

清德宗純（景）皇帝誥贈歐孔章誥命一軸

奉

天承運

皇帝制曰沛酬庸之慶典茂對皇庥敷錫類之殊榮曲成臣
孝爾歐孔章迺工部主事加四級歐仁衡之祖父箕裘紹
緒詩禮垂聲詒厥孫謀樹芳規於珂里繩其祖武奏茂績
於彤廷茲以覃恩賙贈爾爲中憲大夫錫之誥命於戲薄
簠金而示誨世澤長延錫鞶帶以加榮天休弗替

制曰官學方成讀父書而繼業愛勞交備稟母訓以揚名爾
周氏迺工部主事加四級歐仁衡之祖母高門毓德華閥
傳芳有穀貽孫賴同心於內助自天申命表異數於中閨



茲以覃恩貤贈爾爲恭人於戲光生綸翟常昭彤管之輝
德嫔珩璜允著徽章之色

誥命

光緒貳拾年捌月拾陸日

之寶

清德宗純（景）皇帝誥封歐景辰誥命一軸

奉

天承運

皇帝制曰考績疏庸特重推恩之典服官資敬聿昭式穀之功爾歐景辰迺工部主事加四級歐仁衡之父世擅清門代傳素業家風淳厚垂弓冶之良模庭訓方嚴啓詩書之令緒茲以覃恩封爾爲中憲大夫錫之誥命於戲薄簞金而示誨世澤長延錫鞶帶以加榮天休弗替

制曰官學方成讀父書而繼業愛勞交備稟母訓以揚名爾王氏迺工部主事加四級歐仁衡之母克樹芳型尤多慈教著承筐之雅範早知率禮無愆寓徙宅之深心果見克

家有子茲以覃恩封爾爲恭人於戲彤毫灑潤爰推顧復之恩彩翟流芳彌振賢明之譽

誥命

光緒貳拾年捌月拾陸日

之寶

清德宗純（景）皇帝誥贈歐承天誥命一軸

奉

天承運

皇帝制曰嘉謨垂奕葉允昭世德之來殊寵錫公朝益展曾
孫之孝祇承新渥用報曩徽爾歐承天迺分發試用道員
加三級歐仁衡之曾祖父敦修無斃垂教有方種德開先
堂構益恢於來緒貽謀裕後箕裘克紹於前休懿矩攸彰
恩施遂逮茲以覃恩貤贈爾爲通奉大夫錫之誥命於戲
四世其昌久聚德星之慶九原可作永承褒命之榮國典
旃濯家風益振

制曰綏柔佐治寵既被於外僚貞順垂休恩聿推於內德特

敷惠澤用播徽音爾吳氏迺分發試用道員加三級歐仁
衡之曾祖母肅雍可範合善堪模樹慈訓於後昆爰著鐘
祥之德傳素風於奕葉式彰貽穀之謀允作母儀庸昭國
典茲以覃恩貤贈爾爲夫人於戲九重錫慶洵邀丹誥之
褒四世承恩益煥朱幘之色勤宣令問用闡幽光

誥命

光緒貳拾柒年捌月初拾日

之寶

清德宗純（景）皇帝誥贈歐孔章誥命一軸

奉

天承運

皇帝制曰表臣報績爰歸美於貽謀司士詔功必溯原於繩
武殊榮洊被積代增華爾歐孔章迺分發試用道員加三
級歐仁衡之祖父衍緒開先垂庥裕後孫枝挺秀聿昭世
德之符世業丕昌大啓承家之學茲以覃恩贈爾爲通奉
大夫錫之誥命於戲錫五章而敷澤珂里流光推三葉以
承恩德門襲慶祇膺茂典長荷寵綏

制曰鴻恩錫類聿彰貽穀之庥令範宜家益著含飴之媿式
逢慶典爰沛殊施爾周氏迺分發試用道員加三級歐仁

衡之祖母度叶珩璜訓嫻圖史心莊體順著閭範於中閨
善積慶餘表母儀於奕世茲以覃恩贈爾爲夫人於戲播
蘭陔之芳澤寵被重闈揚芝檢之徽音光流華胄榮章洊
逮德範猶存

誥命

光緒貳拾柒年捌月初拾日

之寶